

二儀同卷

結十

九天應元雷聲普化天尊玉樞寶懺
雷霆玉樞有罪法懺

九天應元雷聲普化天尊玉樞寶懺

法事如儀

具職且姓未誠惶誠恐稽首頓首再拜奏啓
三清上帝十極高真高上神霄八宸上帝九
天應元雷聲普化天尊九天應元府卿師使
相一切聖真玉霄內院中司東西華臺玄館
妙閣四府六院分曹列局贊化掌事一切聖
真神仙九天雷門使者糾錄典者廉訪典者
掠刺司大夫主者積速司大夫主者幽枉司
大夫主者報應司大夫主者雷師皓翁真君
莫顯判官典者雷部官衆三界真靈恭望洪
慈洞回昭鑑入意且聞赤書玉字昔元始開
碧落以度人鳳篆龍章我祖師由神霄而闡
化恭惟
九天貞明之大聖玉清真王之化身分形十

九天應元雷聲普化天尊玉樞寶懺

方運心三界拯衆生之苦惱挈下土之沉淪
三十六天天歸主宰之權千五百劫劫劫
運慈悲之化苟致寸忱而稱念悉令萬願以
從心重念未等億劫塵勞多生業垢貪嗔癡
愛萌於立身行己之間殺盜邪淫形於舉心
動念之際身三口四人已千有漏幻軀無
邊罪障是非海闊人我山高非仗懺揚曷叨
恩宥恭惟

九天應元雷聲普化天尊為群生父為萬靈
師矜念迷途鑒觀歸嚮不忘大羅之誓願特
允小兆之讚揚遙駐浮空曲垂省錄且干冒
天威下情無任激切俟
恩之至虔運一誠志心朝禮

金容玉相天尊

志心皈命禮

玉清聖境清微天宮鬱羅蕭臺之中森羅淨
露之上現有為之梵相具无極之神通敷演
真玄破無有色空之礙拯提趣類絕智愚高
下之分妙用難窺靈機罔測大悲大願大聖
大慈無量度人元始天尊

志心皈命禮

上清真境禹餘天宮紫微瓊臺之中玄都玉
京之上接元始虛皇之統系超西那玉國之
根苗入黍米珠盡挹真玄之精粹在香林苑
屢談秘要之筌蹄妙德難思神通莫議大悲

大願大聖大慈無量度人靈寶天尊

志心皈命禮

太清仙境大赤天宮巍巍金闕之高渺渺重
霄之上降生於無量數劫說法於萬二天
五千秘言融三才之妙道八十餘度接六趣
之衆生聖德崇高玄功廣博大悲大願大聖
大慈無量度人降生天尊

按人各恭信

志心歸依十方道寶當願衆生起心回向一
切信禮

志心歸依十方經寶當願衆生心開悟解受
持念誦

志心歸依十方師寶當願衆生普上法橋元
有障礙

道場衆等人各運心禮懺如法

爾時

九天應元雷聲普化天尊在玉清天中與十方諸天帝君集於玉梵七寶層臺時有雷師皓翁越班上白請宣道要於是天尊坐九鳳丹霞之辰手舉金光明之如意為說玉樞寶經已時天尊言若未來世有諸衆生得聞吾名但冥心默想作是念言

九天應元雷聲普化天尊或一聲或五七聲或千百聲吾即化形十方運心三界使稱名者咸得如意十方三界諸天諸地日月星辰山河草木飛走蠢動若有知若無知天龍鬼神聞諸衆生一稱吾名如有不順者截首剗心化為微塵以今弟子某某等曠劫受恩累生蒙化恨以愚迷之性積成深重之愆敢不懺陳以干原赦爰遵教典力致悔恩祈滅罪以消愆冀獲災而集福隨心應念證聖成真仰惟天尊大慈天尊大聖為羣生父為萬靈師俯賜恩光鑒今懺悔庶令所禱克遂感通且等虔恭志心朝禮

志心皈命禮

九天應元府無上玉清王化形而滿十方談道而跌九鳳三十六天之上闕寶爰考瓊書千五百劫之先位上真權大化手舉金光如意宣說玉樞寶經不順化作微塵發號疾如風火以清靜心而弘大願以智惠力而伏諸

魔總司五雷運心三界羣生父萬靈師大聖大慈至皇至道九天應元雷聲普化天尊

畢各一拜

臣法衆等志心皈身皈神皈命

神霄投誠玉府重念弟子某某等凡胎濁質走肉行屍歷劫迨今罪如山海心三惡業貪嗔愚癡身三惡業殺盜邪淫口四惡業綺語妄言兩舌惡罵或起念動心恣行不善擔突天地穢褻日月毀呵風雨裸觸星辰背負君師逆辱父母欺心朋舊傲視隣殺害孽生拋擲米穀大秤小斗欺罔聖賢酷法殘刑傷戕禽畜私淫暗盜逞毒助兇貪諸所榮欺諸所弱天嗔地怒鬼神憎從今懺謝永誓歸依恭願普運慈悲垂原赦綏之庇覆錫以生全臣等志心稽首禮謝

无上正真三寶

衆誥九天誥畢各一拜

志心皈命禮

九天應元雷聲普化天尊 九聲九拜
臣法衆等志心皈身皈神皈命

神霄投誠玉府重念弟子某某等凡胎濁質走肉行屍歷劫迨今罪如山海或慮五行奇案九曜厥年逢刑銜運值剋戰行藏坎壈動用兇危或沉痾伏枕痼疾壓身或盟詛咒誓之所招或債塚負債之所致三世結業異劫興仇或自己興修他人改卜有犯九壘土皇身貴命煞官符赤口劍鋒飛廉二十四位千二百神動致口牙易生獄訟從今懺謝永誓歸依恭願普運慈悲垂原赦綏之庇覆錫以生全臣等志心稽首禮謝

无上正真三寶

衆誥九天誥畢各一拜

志心皈命禮

九天應元雷聲普化天尊 九聲九拜
臣法衆等志心皈身皈神皈命

神霄投誠王府重念弟子某某等凡胎濁質走肉行屍歷劫迨今罪如山海或慮天妖地魘山精石怪五行妖祟三界魔咒及廟社傷亡冤讎執對鳥鼠送妖蛇蟲孽孽拋磚擲瓦送影傳聲或瘟癘傳染瘴癘纏綿故氣伏屍塚

訟基注或婚姻不順嗣息難招水陸經從劫數難逭或兵戈殺戮水火漂焚盜賊侵凌饑荒流蕩從今懺謝未誓皈依恭願普運慈悲曲垂原赦綏之庇覆錫以生全臣等志心稽首禮謝

无上正真三寶

乘誨九天誥畢各一拜

志心皈命禮

九天應元雷聲普化天尊 九聲九拜

臣法衆等志心皈身皈神皈命

神霄投誠王府重念弟子某某等凡胎濁質走肉行屍歷劫迨今罪如山海罪福壽夭寬窄榮枯財祿利名是非人或希仙學道或利物濟民各有所求咸令至遂母使願違切慮悞祀故為千愆萬過日深月遠曾未披陳或

損害有情侵傷物類或迷真背道犯戒違科既附隸於生死之書實係舒於簡閱之筆從今懺謝未誓皈依恭願普運慈悲曲垂原赦綏之庇覆錫以生全臣等志心稽首禮謝

无上正真三寶

步虛 每一禮一拜

志心皈命禮

南極長生大帝統天元聖天尊

東極青華大帝太一救苦天尊

九天可歸丈人朱陵度命天尊

九天雷祖大帝除災濟物天尊

碧玉宮太一天帝保制劫運天尊

六天洞淵大帝伏魔上上太乙天尊

六波天上帝君普施法潤天尊

九天採訪使真君應元保運妙化天尊

神霄玉府判府天尊

玉府侍中僕射上相右卿

五雷使院真君

雷師皓翁天君

雷伯青帝天君

玉樞舍人官曹仙衆

九天應元府卿師使相一切仙真

九天雷公將軍

五方雷公將軍

八方雲雷將軍

九天雷門使者

五方變雷使者

雷部總兵使者

糾錄廉訪典者

掠刺司積運司大夫

幽枉司報應司大夫

莫賺判官雷部官衆

雷部真仙諸司官屬

禮足各長跪皈命懺悔

臣法衆等志心皈身皈神皈命

神霄投誠王府仰惟

九宸御極諸司贊元化之尊三界浮游列部

佐貞明之聖是為雷霆之樞要乃持人物之

權衡重念某某等凡茲下愚寄于浮世或貪嗔

癡之未斷或心口意之相違任性所為不知

慚愧或見聞而自作或想念以教他種種罪根一一懺謝恭願

九天洞鑒列聖垂慈元網流汗漫之恩法雨沛汪洋之澤罪无大小咸乞蕩除冀三業以躡消伴六根而清淨福資萬有恩被十方且等志心稽首禮謝

无上正真三寶

誅無上玉清王偈 聞經

聞經已後當願衆生深入法門歸依信禮聞經已後當願衆生萬罪蕩除善芽增長

聞經已後當願衆生永斷執迷常歸正道

且聞道包天地人稟陰陽生成仰賴於慈悲過咎許容於省悟且等向來朝禮

天尊稱揚聖號一念祈

天而請命五體投地以皈依恭望

天尊大聖天尊大慈教千生萬劫之愆賜五雷正一之炁且等隨心所祝應念而成所求者遂所感者通所欲者從所獲者却此世他生常遇正因有識無情同登道岸稽首皈依無極大道

向來

九天應元雷聲普化天尊玉樞寶懺

正一天師清微弟子 洪百堅 製作

道教學術資訊網站

雷霆玉樞有罪法懺

恭聞高上神霄之天九天應元之府遼邈豈惟於劫仍感通端自於一心恭燃道德之真香仰叩虛无之聖境謹憑一炷徧達萬靈以今且等皈命投誠啓告供養

无上至真道經師寶三境高尊

九天應元雷聲普化天尊九霄雷霆帝真師使相十方諸天帝君三十六天上聖玉樞啓教雷師皓翁真君雷部官衆三界萬靈恭望洪慈俯垂降格普伏真香悉同供養

且聞赤書玉字昔

元始開碧落以度人鳳笈龍章由雷師自神霄而闡化恭惟

九天應元雷聲普化天尊道前號應九天貞明之大聖寔乃

玉清真王之化身恩被十方德沾萬彙統天三十六天天歸宰制之權歷劫千五百劫劫軫慈悲之念苟運寸誠而稱誦當令萬願以克從凡所希求悉應其感且等以今謹爲入事志向來誠意已具敷宣諒沐